

Бўри билан тулки иккови дўст тутинган экан. Бир куни тулки бўрининг олдига келибди, бўри жуда очикиб турган экан, тулкига караб:

— Э, дўстим тулки, яхши келдинг, кани юр, мени бирор жойга олиб бор ва корнимни тўйгазиб, хурсанд килиб келгин, — дебди.

Тулки «хўп» дебди-ю, олдинга тушиб, кетидан бўрини эргаштириб кетаверибди. Бориб-бориб, улар бир ерда тўйга кетаётган етти-саккизта хотинга йўликибдилар. Хаммасининг кўлида тугилган дастурхон бор экан. Шунда тулки бир юмалаб бедана бўлибди ва халиги хотинларнинг олдига тушиб йўргалай бошлабди.

Уни бир хотин кўриб:

— Ие, анови беданани каранглар, уни мен боламга тутиб бераман, —дебди-да, кўлидаги дастурхошга ерга кўйиб, беданани кува кетибди, улар оркасидан яна бири кувлабди.

Шундай килиб, хотинларнинг хаммаси кувиб кетаверибди. Тулки бўлса, уларнинг олдига тушиб йўргалайверибди. Хотинлар етай-етай деганда, «пирр» учиб, яна бир томонга тушар эмиш. Шундай килиб тулки буларни алдаб эргаштириб кетаверибди.

Бўри бўлса, тугунлар ичидаги овкатларни маза килиб еб, корнини тўйдириб жўнабди. Хотинлар беданага етолмай чарчаб, йўлдан кайтиб келишса, тугунлар куп-курук эмиш. «Вой шўримиз курди, «Ойимбуви овга чикди, кетидан говга чикди» дегандай, бу нимаси экан!» деб дод деганларича колаверишибди.

Тулки айланиб борса, бўри бир жойда дам олиб ётган эмиш.

Тулки бўрига караб:

— Ха, ўрток, — дебди.

Бўри унга:

— Ха, корним жуда хам тўйиб кетди, дам олиб ётибман, — дебди.

Эртаси куни тулкига бўри шундай дебди:

— Ўрток, кеча мени жуда хурсанд килиб юбординг, энди бугун сал хафа килиб кўйгин.

Бунга жавобан тулки:

— Хўп бўлади, кани юр бўлмаса, — деб бўрини бир бокка бошлаб борибди.

Богнинг девори тагида бир омбор бор экан, шу омбордан икковлари сикилиб зўрга ичкари киришибди. Карашса, хамма ёк узумга тўлиб-тошган, хеч ким йўк эмиш. Вактни ганимат билиб, иккиси узумхўрликка зўр берибди. Бир вакт тулки корнини обдан тўйдириб, икки дона гужумни иккала бурнига тикиб, бўрининг олдига борибди:

— Э дўстим, мана мен жудаям тўйдим, азбаройи тўйганимдан узум бурунларимдан чикиб кетди. Бўл, яхшилаб еб, обдан тўйиб ол, — дебди.

Бўри шошиб-пишиб еяверибди. Ахири корни шишиб кетибди, лекин бурнидан чикмабди.

— Кани, бурнимдан чикмади-ку? — дебди у. Тулки бўрининг тумшугини кўтариб караб:

— Ху ана, кўриниб қолибди, яна бир оз есанг чикади, — дебди.

Бўри яна еяверибди, корни роса кўпчиб, ахири ўзини тутиб туролмай ётиб қолибди.

Тулкига ана шугина керак экан. У, югура бориб, деворга чикибди-да:

— Узумга ўгри кетде-е-е, узумга ўгри кетде-е-е! — деб кичкирибди.

Унинг товушини богбон эшитиб, сўйил кўтариб келиб қолибди. Бўри лапанглаб бориб, бояги омборга сукилган экан, сигмабди. Деворга тирмашса, чиколмабди. Богбон уни ўласи килиб савалабди, бўрининг еган узумлари огиз-бурнидан чикиб, ахирида калтак зарбидан сулайиб қолибди. Богбон бўрини ўлдига чикариб, ташлаб кетибди. Бир вакт

бўри хушига келибди. Караса, омбор огзида ётган эмиш. Ёнида ҳеч ким йўқ эмиш, тура солиб девордан ошиб, бир чеккада инграб ётаверибди.

Бир вақт тулки келибди, бўрини кўриб, ундан:

— Ҳа, дўстим, нима бўлди? — деб сўраган экан, бўри базўргина инграб:

— Ҳа, дўстим бўлмай ўл. Бир оз хафа килиб кўйгин десам шунча хафа киласанми? — дебди,

Тулки:

— Биродар, бог эгасининг сени бунчалик уришини кайдан билай? — дебди.

Бўри юролмасдан шу ерда қолибди. Тулки кетибди.

Эртаси куни тулки ўйнаб юрган экан, бир жойда катта тош ётган эмиш, унинг ёнида бир кўйнинг карт думбаси ҳам бор эмиш. Унга қараб тулки: «Бунда бир сир бўлса керак.

Олдин уни ўзим емайину, бўрини рўпара қилайин», дебди. Кейин бўрининг олдига бориб:

— Ўток, қорнинг қалай? — деб сўраган экан, бўри:

— Қорним оч, — дебди. Тулки:

— Бўлмаса мен бир кўй сўйиб, гўштини едим, ёғи қолди. Бориб сен шуни есанг-чи, — деганда, бўри:

— Бу гапинг жуда маъқул, чунки кечаги қалтақдан ичак-бағрим узилиб, халигача ҳеч нарса еганим йўқ эди, — дебди.

Булар иккиси бир томонга қараб жўнашибди. Бир жойга борганда, тулки узоқдан туриб ёғни кўрсатибди. Бўри:

— Юр, бирга борамиз, — дебди. Тулки:

— Кўй, мени овора қилиб юрасанми, ўзинг бориб еб кела қол, — деб бормабди.

Бўри бориб қараса, кўйнинг карт думбаси ётган эмиш. Шошилиб бориб тишлаб тортган экан, «парт» этиб, тумшугидан қопқонга илинибди. Шунда тулки югура келиб, хадеб ёғни еяверибди. Узоқдан буни кўриб турган овчи то югуриб қелгунча тулки қочиб кетибди. Овчи келиб қараса, қопқонга илинган бўри экан.

— Ие, мен тулки десам, сен экансан-да, — деб бўрини обдан қалтақлаб, кейин бўшатиб юборибди.

Бўри бундан қутулиб қорни оч қетаётган экан, йўлда бир кўзини учратибди, унга қараб:

— Хой кўзи, сени ейман! — дебди. Кўзи кўрка-писа:

— Э таксир, олдин сиз Қарим бобонинг тузидан олиб қелинг, чунки гўштим жуда бемаза, — дебди.

Шунда бўри: «Хўп бўлади» деб туз ахтариб кетибди, унгача кўзи қочиб қолибди. Бўри келиб қараса, кўзи йўқ эмиш. Хайрон бўлиб бораётса, бир жойда бир хўроз турган экан.

Бўри бориб:

— Хой хўроз, сени ейман! — дебди. Хўроз унга:

— Бўлмаса, олдин бир зира-пиёз қилайлик, мени ундан кейин енг. Бунинг учун сиз аввал пичок топиб қелинг, мен зира билан пиёз қелтирайин, — дебди.

Бўри пичок қидириб кетибди, хўроз пайтдан фойдаланиб, бир томонга қочиб қутулибди. Бўри пичокни олиб қелсаки, хўроз йўқ эмиш. Ноилож яна қетаверибди.

Юриб-юриб бир жойга борса, бир ҳачир турган эмиш. Унга қараб:

— Хой ҳачир, сени ейман! — дебди. Ҳачир:

— Агар мени емокчи бўлсангиз, аввал юз марта миносиз кейин есангиз майли, отам шундай деб васият қилган эди, — дебди.

Бўри ҳачирнинг шартини ўрнига қўйиш учун тўрт марта минибди, бешинчи минишида

хачир бўрини кўш оёклаб тепибди. Бўри чалканчасига йикилибди. Хачир кочганича кетаверибди. Бўри ўрнидан туриб, бир жойга борибди, караса, от ўтлаб юрган эмиш. Бўри отга караб:

— Хой от, сени ейман! —дебди. От бўрига:

— Бўлмаса, менинг кейинги ўнг оёгим туёгига отам ёзиб кетган икки энлик хатни ўкиб кейин егин, — дебди.

Бўри, отнинг оркасига ўтибди, от туёгини кўтариб турибди. Бир вақт бўри яқинига келганида, от уни бир тепган экан, бўрининг тишлари мажак-мажак бўлиб, ўзи анча нариги бориб тушибди. От кочиб кетибди.

Шу онда тулки етиб келибди. Караса, бўрининг огзи-бурни кип-кизил конга беланган эмиш. Шунда тулки ундан:

— Ха, дўстим, сенга нима бўлди яна? — деб сўрабди.

— Ха, нимасини сўрайсан, ишлар шундай-шундай бўлди, — деб бўри хамма воқеани айтиб берибди. Шунда тулки дебди:

«Кўрдинки — кўзи, еб кўйгин,
термилиб колсин икки кўзи.

Сенга ким кўйибди.

Карим бобонинг тузи?

Кўрдингки — хўроз, уриб бўйнини ёз,
сенга ким кўйибди зира билан пиёз?

Кўрдингки — хачир, уриб бўйнини гажи,
сенга ким кўйибди мин хачир.

Кўрдингки — от, еб устида ёт,

сенга ким кўйибди мирза буваликни?»

Бўри тулкидан таъзир еб, индамай туриб кетаверибди, нариёкка борган экан, иккита овчи буни кўриб қолиб, кува кетибди. Бўри кочиб бораётганда йўлда бир одам кўш хайдаб юрган экан. Бўри бориб кўшчига ялинибди:

— Жон амаки, мени шу овчилардан саклаб қолинг. Кўшчи: «Хўи бўлади», деб бўрини катта канорга солиб кўйибди. Бир вақт овчилар етиб келиб кўшчидан: «Бўри ўтдимми?» деб сўрабдилар. «Ха, ўтиб кетди» дебди кўшчи. Овчилар кетгандан кейин бўри канордан чикиб, кўшчига:

— Хой кўшчи, сени ейман! — дебди. Кўшчи:

— Э, бу қандай гап ахир, мен сени ўлимдан қутқариб олсаму, мени ейсанми? — деса, бўри:

— Яхшиликка ёмонлик, — дер эмиш.

Шунда кўшчи ялинибди, бўри сира хам унамабди. Булар бундай можаро қилиб турган экан, тулки етиб келиб, кўшчидан:

— Ха, нима гап? — деб сўрабди.

Кўшчи бўлган воқеани тулкига бирма-бир айтиб берибди.

Тулки бўрига караб:

— Мен сенинг шу канорга сизишингга ишонмайман: ўзинг сизсанг хам думинг сизмайди,
— дебди. Бўри унга:
— Йўк, сиздим, — дебди. Тулки:
— Бўлмаса кани, кириб кўр-чи, — деган экан, бўри:
— Мана бўлмаса, — деб канорга кирибди. Тулки кўшчига имлаб, канор огзини боглашга буюрибди. Кўшчи канор огзини махкам боглабди. Шундан сўнг кўшчи тулки иккиси биттадан иккита сўйил олиб, бўрини ура-ура ўлдиришибди.